



Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

Broj: 03-45-20/22
Sarajevo, 04.01.2022.godine

Na osnovu člana 70. Zakona o organizaciji organa uprave u F BiH („Sl.novine F BiH“ br. 35/05), a u vezi sa članom 70. stav (1) i stav (4) Zakona o javnim nabavkama Bosne i Hercegovine („Službeni glasnik BiH“ br.39/14) nakon provedenog Konkurentskog postupka javne nabavke usluga, a na osnovu Preporuke broj: 03-45-9/22 od 04.01.2022.godine i Izvještaja komisije za javnu nabavku, Direktor Zavoda za izgradnju Kantona Sarajevo **d o n o s i**

ODLUKU

o poništenju postupka javne nabavke

- 1. Poništava se** postupak javne nabavke roba za „**Nabavka antivirusnog programa za potrebe Zavoda za izgradnju Kantona Sarajevo**“ u skladu sa članom 69. stav (2) tačka d.) Zakona o javnim nabavkama BiH („Službeni glasnik BiH“ br. 39/14) odnosno iz razloga što nijedna od primljenih ponuda nije prihvatljiva.
- 2. Odbacuju se** ponude ponuđača „Nexis“ d.o.o. Sarajevo, „City group“ d.o.o. Sarajevo, „Imtec“ d.o.o. Sarajevo i „Results consulting“ d.o.o. Sarajevo u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ br.39/14).
- 3. Ova Odluka objavit će se** na web stranici <http://zik.ks.gov.ba> Zavoda za izgradnju Kantona Sarajevo u skladu sa članom 70. stav (6) Zakona o javnim nabavkama BiH

O b r a z l o ž e n j e

Na osnovu Odluke o pokretanju postupka javnog nadmetanja broj: 06-45-11670/21 od 06. 12. 2021. godine Zavod za izgradnju Kantona Sarajevo je pokrenuo Konkurentski postupak, pripremio tendersku dokumentaciju, objavio Obavještenje o nabavci broj: 285-7-1-45-3-30/21 na portalu javnih nabavki i objavio tendersku dokumentaciju za „**Nabavka antivirusnog programa za potrebe Zavoda za izgradnju Kantona Sarajevo (e-aukcija)**“ - na portalu javnih nabavki u skladu sa članom 55. stav (1) tačka d) Zakona o javnim nabavkama BiH („Službeni glasnik BiH“ br.39/14) i članom 9. Stav (1) Uputstva o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“ br. 90/14, 53/15).

Javna nabavka za „**Nabavka antivirusnog programa za potrebe Zavoda za izgradnju Kantona Sarajevo (e-aukcija)**“ oglašena je na Portalu javnih nabavki dana 09.12.2021. godine Zavod za izgradnju Kantona Sarajevo uputio je poziv za preuzimanje tenderske dokumentacije sa Portala javnih nabavki za „**Nabavka antivirusnog programa za potrebe Zavoda za izgradnju Kantona Sarajevo (e-aukcija)**“ slijedećim ponuđačima: „BHS informatika“ d.o.o. Sarajevo, „Imtec“ d.o.o. Sarajevo i „R&S“ d.o.o. Sarajevo





Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

Iz Izvještaja o preuzimanju tenderske dokumentacije preuzetog sa portala javnih nabavki na osnovu objavljenog obavještenja broj: 285-7-1-45-3-30/21 vidljivo je da je tendersku dokumentaciju preuzelo 19 ponuđača.

Komisija se sastala dana 20.12.2021.godine, radi preuzimanja i otvaranja ponuda za „**Nabavka antivirusnog programa za potrebe Zavoda za izgradnju Kantona Sarajevo (e-aukcija)**“ koju su podnijeli ponuđači: „Nexis“ d.o.o. Sarajevo, „City group“ d.o.o. Sarajevo, „Imtec“ d.o.o. Sarajevo i „Results consulting“ d.o.o. Sarajevo. Na otvaranju ponuda prisustvovao je predstavnik ponuđača „Results consulting“ d.o.o. Sarajevo.

Komisija je otvorila ponudu ponuđača i iz „Obrasca za cijenu ponude“ i „Obrazca za ponudu“ pročitala ponudenu cijenu ponude, dok su rokovi dostave robe, uslovi i način plaćanja bili zadati tenderskom dokumentacijom. Ostale dokumente na javnom otvaranju ponuda Komisija nije pregledala.

Komisija je na otvaranju ponuda konstatovala da ponuda ponuđača „Nexis“ d.o.o. Sarajevo nije popunjena ručno, nego je štampana na računaru.

Komisija je takođe konstatovala da je ponuđač „Results consulting“ d.o.o. Sarajevo u specifikaciji ispustio da upiše jediničnu cijenu, kao i ukupnu cijenu bez PDV-a, a specifikacija je potpisana i ovjerena pečatom. Obrazac za cijenu ponude je uredno popunjen.

Komisija se ponovo sastala dana 21.12.2021.godine radi pregleda priloga iz dostavljenih ponuda, odnosno da bi utvrdila da li je ponuđač ispunio uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li je ponuđač dostavili tehnički zadovoljavajuću ponudu u skladu sa zahtjevima iz tenderske dokumentacije i da li su kvalifikovani za nabavku predmetnih roba.

Komisija je konstatovala slijedeće:

- Uvidom u ponudu ponuđača „**Nexis“ d.o.o. Sarajevo** komisija je iz Izvještaja o preuzimanju tenderske dokumentacije od strane ponuđača za predmetnu nabavku konstatovala da ponuđač nije preuzeo tendersku dokumentaciju sa Portala javnih nabavki, što nije u skladu sa tačkom 2. tenderske dokumentacije gdje je jasno naznačeno „*Obzirom da je tenderska dokumentacija objavljena na portalu „e-Nabavke“ www.gjn.gov.ba ista se može preuzeti samo sa navedenog portala. Ponuđač koji lično ne preuzme tendersku dokumentaciju sa portala javnih nabavki ne može biti učesnik u postupku javne nabavke, jer se radi o načinu koji nije predviđen članom 55. stav (1) Zakona o javnim nabavkama BiH (Sl.glasnik BiH, broj 39/14). Dakle, da bi učestvovao u postupku javne nabavke, potrebno je da ponuđač direktno preuzme tendersku dokumentaciju za konkretan postupak*“. Iz naprijed navedenog vidljivo je da ponuđač nije postupio kako je traženo tenderskom dokumentacijom. Nadalje, Komisija je konstatovala da je ponuđač „Nexis“ sve priloge (obrasce) koji su sastavni dio tenderske dokumentacije ispunio na način da je dijelove koje je trebao ispuniti kucao kompjuterski, a ne rukom kako je jasno naznačeno u napomeni na strani 14. tenderske dokumentacije koja glasi: „*Sve dokumente/obrasce/izjave koje čine sastavni dio tenderske dokumentacije ponuđači trebaju popuniti rukom. Nije dozvoljeno prekucavanje istih*“. Takođe, komisija je utvrdila da ponuđač u svojoj ponudi nije dostavio opis proizvoda koji se nudi, te se iz istog razloga ponuda smatra nepotpunom.





Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

Zbog svega gore iznesenog Komisija je zauzela stav da se ponuda ponuđača „Nexis“ d.o.o. Sarajevo odbaci u skladu sa članom 68. stav (4) tačka i) Zakona o javnim nabavkama („Sl.novine BiH“ 39/14) tj. iz razloga jer ponuda nije potpuna i ne ispunjava zahtjeve iz tenderske dokumentacije.

- Uvidom u ponudu ponuđača „City group“ d.o.o. Sarajevo Komisija je konstatovala da ponuđač u svojoj ponudi dostavio Uvjerenje o upisu u jedinstveni registar obveznika indirektnih poreza ponuđača (PDV broj), ali je ispustio da dostavi Uvjerenje o poreznoj registraciji (ID broj), kako je traženo tačkom 13. 2. b) tenderske dokumentacije (Sposobnost obavljanja profesionalne djelatnosti – član 46. Zakona o javnim nabavkama).

Komisija je takođe konstatovala da referens lista koja je dostavljena u ponudi ponuđača nije u skladu sa zahtjevima iz tačke 13.4. a) tenderske dokumentacije koja se odnosi na tehničku i profesionalnu sposobnost ponuđača – član 48-51. Zakona o javnim nabavkama. Ponuđač u svojoj ponudi nije dostavio potvrdu o uredno izvršenom ugovoru, kako je traženo tačkom 13.4. a) tenderske dokumentacije. Umjesto potvrde ponuđač je dostavio 4 računa/otpremnice od kojih nijedan iznos računa nije u visini zahtjevanog iznosa potvrde tražene tenderskom dokumentacijom (4.000,00 KM), već su svi dostavljeni računi na iznos manji od zahtjevanog. Komisija je zauzela stav da se dostavljeni računi ne mogu uzeti u obzir kao dokaz o urednom izvršenju ugovora, jer je tenderskom dokumentacijom isključivo zahtjevana potvrda.

Nadalje, komisija je utvrdila da ponuđač u svojoj ponudi nije dostavio opis proizvoda koji se nudi, te se i iz istog razloga ponuda smatra nepotpunom.

Zbog svega gore iznesenog Komisija je zauzela stav da se ponuda ponuđača „City group“ d.o.o. Sarajevo odbaci u skladu sa članom 68. stav (4) tačka i) Zakona o javnim nabavkama („Sl.novine BiH“ 39/14) tj. iz razloga jer ponuda nije potpuna i ne ispunjava zahtjeve iz tenderske dokumentacije.

- Uvidom u ponudu ponuđača „Results consulting“ d.o.o. Sarajevo komisija je konstatovala da je ponuđač samo djelimično popunio Izjavu ponuđača koja je sastavni dio Anexa II - Prilog I (Obrazac za dostavljanje ponude). U navedenoj Izjavi ponuđač je u dijelu koji je predviđen za upisivanje broja obavještenja na portalu javnih nabavki ispustio da upiše broj obavještenja za predmetni postupak, kao i u tački 4. Izjave u dijelu koji se odnosi na rok važenja ponude, te se takva Izjava smatra nepotpunom.

Komisija je takođe konstatovala da je ponuđač u Prilogu 3. tenderske dokumentacije koja se odnosi na Specifikaciju robe ispustio da upiše jediničnu cijenu ponuđenog proizvoda po komadu, kao i ukupnu cijenu u dijelu koji je predviđen za upisivanje ukupne cijene, te je Prilog 3. - Specifikacija robe u potpunosti nepopunjena.

Zbog svega gore iznesenog Komisija je zauzela stav da se ponuda ponuđača „Results consulting“ d.o.o. Sarajevo odbaci u skladu sa članom 68. stav (4) tačka i) Zakona o javnim nabavkama („Sl.novine BiH“ 39/14) tj. iz razloga jer ponuda nije potpuna i ne ispunjava zahtjeve iz tenderske dokumentacije.

- Uvidom u ponudu ponuđača „Imtec“ d.o.o. Sarajevo Komisija je konstatovala da je ponuđač dostavio tehnički zadovoljavajuću ponudu u smislu ispunjavanja uslova propisanih članom 45. do 52. Zakona o javnim nabavkama BiH („Službeni glasnik BiH br.39/14), ali je utvrdila da ponuđač u svojoj ponudi nije dostavio opis proizvoda koji se nudi, te se iz tog razloga ponuda smatra nepotpunom. Zbog svega iznesenog Komisija je zauzela stav da se ponuda ponuđača „Imtec“ d.o.o. Sarajevo odbaci u





Bosnia and Herzegovina
Federation of Bosnia and Herzegovina

CANTON SARAJEVO
Canton Development Institute

skladu sa članom 68. stav (4) tačka i) Zakona o javnim nabavkama („Sl.novine BiH“ 39/14) tj. iz razloga jer ponuda nije potpuna i ne ispunjava zahtjeve iz tenderske dokumentacije.

Komisija je predložila ugovornom organu da se u skladu sa članom 68. stav (4) tačka i) Zakona o javnim nabavkama BiH („Službeni glasnik BiH“ br.39/14) **odbace** ponude ponuđača „Nexis“ d.o.o. Sarajevo, „City group“ d.o.o. Sarajevo, „Imtec“ d.o.o. Sarajevo i „Results consulting“ d.o.o. Sarajevo tj. iz razloga što nijedna od primljenih ponuda nije prihvatljiva.

Komisija je predložila Ugovornom organu da se u skladu sa članom 69. stav (2) tačka d) Zakona o javnim nabavkama BiH („Službeni glasnik BiH“, broj 39/14) **poništi** postupak javne nabavke za „**Nabavka antivirusnog programa za potrebe Zavoda za izgradnju Kantona Sarajevo (e-aukcija)**“, obzirom da nijedna od primljenih ponuda nije prihvatljiva.

Shodno navedenom odlučeno je kao u dispozitivu.

POUKA O PRAVNOM LIJEKU:

Protiv ove Odluke može se izjaviti žalba Uredu za razmatranje žalbi **putem Ugovornog organa**. Žalba se izjavljuje Ugovornom organu u pisanoj formi na Protokol ugovornog organa ili preporučenom poštom, u roku od 5 (pet) dana od dana prijema ove Odluke. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 500 KM i podnosi se Uredu za razmatranje žalbi.

ДИРЕКТОР

Belma Barlov, dipl.ing.arh

DOSTAVITI:

1. „Nexis“ d.o.o. Sarajevo, fax: 033/610-647, e-mail: nexis.sarajevo@gmail.com
2. „City group“ d.o.o. Sarajevo, fax: 033/711-261, e-mail: info@citygroup.ba
3. „Results consulting“ d.o.o. Sarajevo, fax: 033/259-154, e-mail: enes@rsc.ba
4. „Imtec“ d.o.o. Sarajevo, fax: 033/428-965, e-mail: prodaja@imtec.ba
5. a/a

